

4

T 3150 / 1438.83B  
3

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
APR 5 1938

食貨志

前漢志食謂農殖嘉穀可食之物貨謂布帛可衣及金刀龜貝所以分財布利通有無者也食足貨通然後國實民富而教化成嗚呼難言之矣平定山多田少一歲所入不足支半歲率糴食于樂平壽陽樂平壽陽之粟日行于境外其所積固無幾矣以故市糴騰湯常苦不足久皆資乎天時一旬不雨則立糴為一恃與種不官桑蠶事闕焉無珍產異物四方流販不至商賈不通貨于何有貧者

哈佛大學  
圖書館  
珍本  
五

不厭糟糠恆食力于他鄉嘗者衣食纔足一而習尚奢靡罕能再世其地使然之類

國家定制永不加賦無追呼之擾而地當孔道一有他警閭里騷然蓋有可靜而不可動者焉吏茲土者盍思所以撫綏安集之乎

凡門七

戶口

賦役

附稅課

倉儲

附社倉義倉

鹽法

物產

風土

附歲時禮儀

祿祥

戶口

自五年編審州縣戶口率以丁簿為則無大增益編審既停其數遂十倍于前蓋始以避徭役致多隱匿至其不必避也則亦無所隱矣豈果今昔之不同哉我

國家淡仁厚澤徧及窮簷地方偶遇水旱按口給食動以億萬則今之戶口非特以其生齒之繁而所為治安之本端在于斯矣

州

明洪武二十四年戶二千九百有九口一萬九千三百九十

永樂十年戶三千六百三十口一萬九千九百七十有七

成化元年戶三千九百有七口三萬一千六百

宏治十三年戶二千九十有六口二萬九千四百二十

正德七年戶一千九百六十口一萬二千七十

嘉靖六年戶六百五十有九口一千五百七十有

一十六年戶一千九百有一口五千六百二十

有九 三十一年戶三千二百九十有五口二萬

四千四百九十有五 四十一年戶三千二百九

十有五口二萬七千三百九十有三

萬曆二十年戶三千二百九十有一口三萬七千

九百五十有四

崇正開戶三千二百九十有九口三萬六千九百

一十有三

國朝順治開戶一千一百九十有二口一萬五千三

百三十有九

康熙六十一年戶一千二百有二口一萬五千五百一十有九

雍正四年戶一千四百七十有一口一萬五千四百九十有一 九年戶一千六百七十口一萬五千四百九十有九

乾隆元年戶二千一十有四口一萬五千四百九十有一 六年戶二千六百一十有六口一萬五千七百七十有五 十一年戶二千六百三十有

六口一萬五千四百六十有四 十六年戶二萬三千四百七十有五口一十萬二千七百四十有九 二十一年戶二萬三千四百九十口一十萬七千一百二十有四 三十一年戶二萬五千一百三十有九口一十一萬六千一十有七 三十六年戶二萬六千五百四十有二口一十一萬一千二百五十有三 四十一年戶二萬七千二百有六口一十二萬二千二百六十有二 四十五年戶二萬七千一百九十有三口一十二萬二千

凡百七十有四 五十年戶二萬七千三百七十  
有二口一十二萬九千三百有九

樂平縣 前明無考

順治七年戶三百九十有九口一千一百五十  
十一年戶三百七十有七口四千九百有一十  
四年戶三百七十有一口四千九百五十有九  
康熙元年戶三百六十有一口四千六百有二  
六年戶三百五十有九口四千五百一十有九  
十一年戶三百五十有九口四千五百一十有九

乾隆三十二年戶一萬五千九百六十有六口五  
萬一百三十有五 三十六年戶一萬六千二百  
三十有一口五萬三千一百六十有七 四十一  
年戶一萬六千六百七十有九口七萬一千五百  
五十有九 四十五年戶一萬六千七百七十有  
三口七萬二千五百九十有七 五十年戶一萬  
六千九百九十有七口七萬三千三百九十有五

孟縣 縣志闕今查近年檔冊補

乾隆三十二年戶三萬四千六百六十有五口一

十三萬九千七百六十有九 三十六年戶三萬  
五千二百四十有四口一十四萬一千有六 四  
十一年戶三萬六千二十口一十五萬三千二十  
有一 四十五年戶三萬六千三百五十有九口  
一十五萬五千七百六十有六 五十年戶三萬  
六千七百四十口一十五萬九千一百六十有六

壽陽縣

明嘉靖開戶四千四百六十有四口五萬三千四  
百七十有九 天啟開戶四千七十有九口四萬

九千五百九十有九

國朝順治五年戶三千七百五十有三口三萬九千  
三十有九

康熙六十年戶四千有奇口四萬六千七百九十  
有一

雍正九年戶四千九十有七口四萬七千一百六  
十

乾隆元年戶四千二百一十有二口四萬七千二  
百七十有五 六年戶四千一百九十有三口四

萬七千三百七十有一 十一年戶四千二百七十  
十有五口四萬七千四百五十有三 十六年戶  
四千三百六十有九口四萬七千五百四十有七  
二十一年戶四千二百八十有七口四萬七千  
六百六十有一 二十六年戶四千三百五十有  
三口四萬七千七百六十有六 三十一年戶四  
千三百一十有五口四萬七千七百七十有四  
三十六年戶四萬九千一百二十有六口二十三  
萬六千五百四十有九 四十一年戶四萬九千

五百六十有五口二十四萬九千四百六十有三  
四十五年戶四萬九千五百六十有五口二十  
四萬九千五百七十有七 五十年戶四萬九千  
五百九十有四口二十五萬一千六百九十有九

賦役 附稅課

自兩稅興而田賦定惟丁口無定然丁有續墾亦  
有應免田則水衝沙壓而賦如故故無累丁而有  
累賦自編審停而丁亦定然富室丁反少貧無依  
者或一人兼數丁甚至輾轉相代故無添丁而有



累丁乾隆初年有丁歸地糧之議他府州皆便之  
平定以山多田少格而不行竊以

國家屢有坍塌田地虛糧豁免之

詔是田本無累累獨在丁耳變而通之其得無意乎

州

田賦

熟墾地共二千二百九十一頃一十畝六分九釐  
九毫六絲

原額民地三千一百五十九頃九十七畝二分

舊志載明原額地二千六百四十四頃一十一畝六  
分歷年觸免水衝沙壓等地二百四十四頃九  
十六畝五分萬歷九年實丈地二千三百五十  
九頃九十五畝一分此後增減無可考今斷自  
國初為始三  
縣倣此  
順治四年蠲免無主荒地九十頃九十

四畝順治十年蠲免無主荒地一千一百三十

四頃四十一畝實存平地九頃七十七畝二分

三釐坡地一千七百四十二頃四十六畝七分

四釐六毫七絲沙地一百九十二頃二十八畝

二分二釐三毫三絲三項共一千九百四十四

頃五十二畝二分順治十三年至十八年開墾

荒地一百五十五頃六十七畝八分一毫康熙  
 元年至二十五年開墾荒地五頃六十三畝七  
 分六釐八毫六絲康熙十六年清出隱漏地一  
 百六十頃三十九畝八分九釐七毫雍正六七  
 兩年首墾地一十九頃一畝一分三釐三毫雍  
 正十十一兩年開墾地五頃八十五畝九分舊志  
 作乾隆六七年與賦役全書不符五頃其地三百四十六頃五  
 十八畝四分九釐九毫六絲  
 窰徵夏稅秋糧一萬二千一百石六斗二合五勺

各徵不等折色徵銀一萬一千六百五十六兩二  
 錢四分三釐一毫外九釐銀驛站銀加增豐贍庫  
 稅糧馬草銀絲絹銀匠價銀等項計徵銀三千六  
 兩四錢五分九釐七毫其實徵銀一萬四千六百  
 六十二兩七錢三釐閏年加徵柴值銀四兩六錢黃絲銀六錢三分六釐  
 按乾隆三十一年定例徵收錢糧尾數折中歸減  
 米以勺為斷其零在五抄以上者作為一勺銀以  
 釐為斷其零在五毫以上者作為一釐不及五抄  
 五毫者刪除此後開各總數俱遵此例三縣倣此  
 平地九頃七十七畝二分三釐每畝科糧九升  
 共糧八十七石九斗五升七勺坡地一千七百

四十二頃四十六畝七分四釐六毫七絲每畝  
科糧六升共糧一萬四百五十四石八升四合  
几勺沙地一百九十二頃二十八畝二分二釐  
三毫三絲每畝科糧三升共糧五百七十六石  
几斗四升六合七勺三項共徵糧一萬一千一  
百一十九石六斗二合二勺每石折徵銀九錢  
三分二釐几絲五忽有奇計徵銀一萬三百六  
十四兩四錢一分五釐順治十二年至十八年  
開墾荒地一百五十五頃六十七畝几分一毫

糧四百五十一石五斗一升五勺各徵不等計  
折徵銀五百二十一兩一錢五分二釐康熙元  
年至二十五年開墾荒地五頃六十三畝七分  
六釐几毫六絲糧一十六石二斗五升一合四  
勺各徵不等計折徵銀二十二兩二錢二分四  
釐康熙十六年清出隱漏地一百六十頃三十  
九畝几分九釐七毫糧四百三十九石五斗二  
升七合四勺各徵不等計折徵銀六百四十九  
兩一錢六釐雍正六七年首墾地一十九頃

一畝一分三釐三毫糧五十七石三升四合各  
 徵不等計折徵銀七十五兩九錢四分二釐雍  
 正十十一兩年開墾地五頃八十五畝九分糧  
 一十七石五斗七升七合各徵不等計折徵銀  
 二十三兩四錢四釐又原額平坡沙三項地內  
 每畝徵銀九釐共銀一千七百五十兩七分又  
 每糧一石派驛站銀九分九釐四毫三絲三忽  
 有奇舊科七分五釐五毫蠲免荒地後均派加入熟地共銀一千一百  
 五兩六錢六分五釐又加增豐贖庫稅糧並馬

草折徵銀四錢二分五釐又加增絲絹銀一百  
 五兩三錢又另徵匠價銀四十五兩乾隆三年  
 奉文攤入地內徵收統計得現徵銀數

徭役民數滋生見戶口門此但記按丁定

恩詔但據康熙五十二年審定丁冊定為常額續生  
 丁永不加賦今日現徵之賦乾隆四十一年  
 新定賦役全書稱照乾隆三十一年編審之  
 數刊造自即康熙五十年審定之賦也宜  
 此為斷舊志及各縣志皆首列前明  
 國初歷次加增各數均不脗合悉刪之三縣

實行差人一萬五千二百八十九丁實徵  
 襖顏料地差等銀五千三百八十五兩九

內胖襖銀九十兩辦買本色顏料銀一十九兩三錢四分六釐

實在人一萬四千三百八十一丁除紳餘

本身一百七十五丁實行差人一萬四千三百

六丁內分二則下中則六十一丁每丁科

錢三分一釐凡絲徵銀三十二兩三錢九分

釐凡毫下下則一萬四千一百四十五丁

科銀二錢六分五釐五毫徵銀三千七百五

五兩四錢九分七釐五毫二則其徵均後

顏料銀三千七百八十七兩八錢九分三釐

差銀一千二百六兩三錢五分二釐順治十二

年清出土著新編二百五丁下下則每丁科銀

二錢七分九釐徵銀五十七兩一錢九分五釐

順治十四年清出優免供丁凡百七十凡丁內

下中則二十四丁每丁科銀五錢五分凡釐徵

銀十三兩三錢九分二釐下下則凡百五十四

丁科如十二年數徵銀二百三十九兩二錢二

分六釐二則其徵均徭銀二百五十一兩六錢

五分凡釐地差銀凡十二兩八錢七分二釐統

計得現徵數

解支賦役全書所載各項銀兩尾數截至毫爲止以符釐數絲以下並從簡三縣倣此

現解布政司戶部起運項下銀一萬三千九百九

十五兩五錢二釐閏年加徵柴值銀四兩六錢商稅正項銀一十兩七錢六分二釐

釐酒課銀一兩四錢一分七釐多存留驛站銀三百五十四兩四錢二分七釐應解銀一萬三千六百五十九兩九錢二分二釐

戶部顏料並膠價銀六錢二分二釐

釐置買紬絹並腳價銀六十二兩九錢三分四釐

內解布政司五十兩七錢五分五釐解太原府一十二兩一錢七分九釐閏年加徵黃絲銀六錢

三分六釐並共解銀一萬四千五百九十九兩五分二釐

釐

乾隆四十一年新定賦役全書開載解戶部地

畝丁徭等銀九千九百三十九兩一錢五毫禮

部羊價藥味紙價等銀一十九兩七錢三分六

釐六毫腳價銀一錢九分三釐四毫兵部柴值

銀六十兩五錢腳價銀二兩五錢四分九釐七

毫工部柴夫木柴屏襖等銀六百九十一兩四

分一釐腳價銀二兩一錢九釐七毫節年裁扣

存留項款並裁官經費等項解部銀三千一百九十九兩四錢七分九釐四毫內除抵支驛站銀三千三百四十九兩七錢一分九釐九毫又除節年添設加增各項銀二百九十九兩三錢七分五釐七毫又添設監二十九年敬陳管見等事案內驛亦加添添設弓兵工食銀六十兩外實應解銀九千二百兩七錢六分三釐二毫脚價銀四兩九錢五分一釐九毫又解本色顏料鋪墊改折核減解部銀五十三兩一錢

五分六釐九毫又解外匠價銀四十五兩攤不地徵額外商稅正項銀一百四十一兩一錢四分

六釐裁採賞酒課銀一十七兩以上實彙解戶

部正賦裁扣裁官經費並開墾額外隱漏首墾增出均徭顏料折價核減停止鋪墊等項共銀九千四百五十七兩六分六釐脚價銀四兩九錢五分一釐九毫又解存留本省額編兵餉銀四千五百三十三兩五錢九分四釐統計得解起運項下數又另解本色顏料價銀辦解丁字

庫本色黃蠟銀五錢九分几毫脚價銀三分几毫置買紬絹銀六十二兩几錢三分三釐几毫脚價銀一錢三毫得另解數

存留驛站銀四千四百五十四兩三錢几分四釐

閏年多存留三百五十四兩四錢二分七釐

額編存留銀一千一百五兩六錢六分五釐二

毫起運內抵支銀三千三百四十九兩七錢一

分几釐几毫

現支工料不敷在于孟縣撥給銀一百一兩五錢五分鳳臺縣撥給

銀二千二百五十三兩几錢七分九釐二毫共銀二千三百五十五兩四錢二分九釐赴冀

道請領支銷  
細數詳驛站

存留官俸役食祭祀雜支照裁定銀一千六百九

十三兩三錢七分七釐

知州俸銀九十兩 門子二名工食銀一十二

兩 皂隸十六名工食銀九十六兩 馬快手

几名工食銀四十九兩 禁卒几名工食銀四

十八兩 更夫五名工食銀三十兩 轎夫四

名工食銀二十四兩 傘扇夫三名工食銀一

十儿兩 庫子四名工食銀二十四兩 斗級



四名工食銀二十四兩 民壯三十五名工食

銀二百五十二兩 捕役凡名工食銀四十八

兩 以上工食原額除民壯每名銀七兩二錢外

其餘各役皆每名銀六兩嗣于禁卒凡名議

加工食銀十六兩州及三縣同各于門子馬快

手轎夫傘扇夫庫子斗級各工食酌撥湊給又

設立件作州及樂平孟各二名壽陽正身二名

學習二名向無額編工食各于皂隸工食內撥

給各詳奏銷 鋪司兵四十三名工食銀二百五

案茲不悉載 十凡兩

州判俸銀四十五兩 門子一名工食銀六兩

皂隸六名工食銀三十六兩 馬夫一名工

食銀六兩

吏目俸銀三十一兩五錢二分 門子一名工

食銀六兩 皂隸四名工食銀二十四兩 馬

夫一名工食銀六兩

儒學學正俸銀四十兩 訓導俸銀四十兩

廩生三十名餼糧銀九十六兩 齋夫三名工

食銀一十八兩 膳夫二名工食銀一十三兩

三錢三分三釐 每名六兩六錢 門斗三名工食

銀一十八兩 每名六兩六錢

驛丞俸銀三十一兩五錢二分 皂隸二名工

食銀一十二兩 弓兵十名工食銀六十兩

時憲書紙價銀五兩二錢

廟祭祀銀四十兩 啟聖名宦鄉賢各祠祭祀銀

一十一兩一錢九分 風雲雷雨山川社稷几

蜡等壇廟祭祀銀二十四兩 州厲壇祭祀銀

一十二兩

關帝三代祭品銀二十兩九錢三分 雩禮壇祭品

銀三兩 初一十五行香講書銀五兩六錢

鄉飲酒禮銀一十五兩 孤老冬衣布花銀一

十一兩三錢二分九釐 迎春神牛酒席銀五

錢

起送赴考貢生酒席盤纏及考中正貢旗匾花

紅銀八兩 二年一辦共銀一十六兩

餞送舊舉人會試盤纏花紅酒席銀六十六兩

三年一辦以十二名為新中進士旗匾賀儀銀

率共銀一百九十八兩 三年一辦以一名新中舉

人花紅酒席旗匾賀儀起送會試銀七兩五錢

三年一辦以三名為率 膳錄書手工食銀五兩  
共銀二十二兩五錢 三年一辦共  
武舉會試盤纏銀三兩 三年一辦  
銀一十五兩 共銀九兩

太原府餞送舊舉人會試卷價酒席銀五錢三

分三釐 三年一辦共銀一兩六錢

以上起運存留共銀二萬二百六兩八錢一分九

釐內徵地糧銀一萬四千六百六十二兩七錢三

釐丁徭銀五千三百八十五兩九錢七分又稅課

項下徵商稅正項銀一百四十一兩一錢四分六

釐酒課銀一十七兩統計得數

耗羨

地糧丁徭內除匠價銀不加耗外實徵正銀二萬

三兩六錢七分三釐每正銀一兩加耗銀一錢三

分實徵耗羨銀二千六百兩四錢七分八釐 閏年加徵

銀六錢八分三釐

知州支養廉銀一千五百兩繁費銀三百兩州

判支養廉銀八十兩吏目支養廉銀六十兩驛

丞支養廉銀六十兩支剩耗羨銀六百兩四錢

七分八釐解布政司乾隆五十一年奉文耗羨

銀全行起解各官養廉赴布政司請領三縣做此

稅課

酒課銀一十七兩閏年加徵銀一兩四錢一分七釐商稅正項銀

一百四十一兩一錢四分六釐閏年加徵銀一兩七錢六分二釐

釐 以上二款 溢額商稅銀三兩五錢 徵磨課商 並入起運項

稅餘銀九十九兩不等畜稅正項銀四十二兩三

錢九分六釐閏月加徵銀三兩五錢二分二釐畜稅盈餘銀四五

十兩不等房田契稅正項銀二十四兩四錢九分

六釐房田契稅盈餘銀一百九十九兩不等當稅

每座徵銀五兩認退無定乾隆五十一年現徵銀

三百三十兩牙稅上則徵銀一兩二錢中則徵銀

八錢下則徵銀六錢認退無定乾隆五十一年現

徵銀六十七兩

樂平縣

田賦 按縣志地糧銀米各數核筭 多不符合無從考正今仍之

熟墾地一千七百四十九頃九十九畝二分一釐

七忽五微

原額民地一千六百一十一頃九十八畝一分  
二釐六毫五忽順治四年蠲免無主荒地五十  
六頃一十六畝二分五釐順治十四年蠲免續  
荒地五十九頃九十九畝七分三釐七毫實存  
上等地一百二十一頃四十七畝八分四釐上  
次地一百五十五頃八十八畝二分三釐二毫  
五絲中等地二百二十二頃二十四畝四分八  
釐中次地六百七十八頃一畝二分九釐八毫  
五絲五忽下等地三百一十八頃二十畝二分  
八釐八毫五項共地一千四百九十五頃八十  
二畝一分三釐九毫五忽原額慶成府更名田  
地一百三十五頃三十八畝四分二釐五毫順  
治十四年蠲免續荒地九十七頃九十一畝六  
分實存土地一十八頃五十六畝八釐中地一  
十八頃九十畝七分四釐五毫二項共地三十  
七頃四十六畝八分二釐五毫順治十三年至  
十八年開墾荒地九頃八十七畝二釐八毫康  
熙元年至三年開墾荒地八頃七十八畝四分

五釐三毫康熙十六年清出隱漏地凡十三頃  
四十七畝三分五釐六毫凡絲二忽五微康熙  
六十一年開下等荒地三十八畝七分六釐雍  
正六年首墾地一十六頃二十七畝五釐八毫  
二絲順治十五年至十八年開墾更名田荒地  
五頃四十二畝七分康熙元年至三年開墾更  
名田荒地二頃一十六畝康熙十六年清出隱  
漏更名田地九十頃三十二畝八分九釐八項  
共民田更名田地二百一十六頃七十畝二分

四釐六毫二忽五微

額徵夏稅秋糧七千九百凡石二斗四升四合九  
勺內本色糧七百七十九石二斗五合七勺折色  
糧七千一百二十九石三升九合二勺各徵不等  
折徵銀六千三百三十八兩凡錢四分七釐又本  
色糧改折銀二百七十兩外九釐銀驛站銀絲絹  
銀匠價銀等項計徵銀一千二百三十一兩凡錢  
三分七釐其實徵銀七千凡百四十四兩六錢凡分

四釐閏年加徵柴值銀一兩實徵本色倉斗米三

黃絲銀九錢三分二釐

百二十九石二斗五合七勺

上等地一百二十一頃四十七畝八分四釐每  
畝科糧一斗六升共糧一千九百四十三石六  
斗五升四合四勺內徵本色糧一百二十九石  
六升六合四勺折色糧一千八百一十四石五  
斗八升八合上次地一百五十五頃八十八畝  
二分三釐二毫五絲每畝科糧八升共糧一千  
二百四十七石五升八合六勺內徵本色糧八  
十三石二升三合一勺折色糧一千一百六十

四石三升五合五勺中等地二百二十二頃二  
十四畝四分八釐每畝科糧六斗共糧一千三  
百三十三石四斗六升八合八勺內徵本色糧  
八十五石七斗四升二合一勺折色糧一千二  
百四十七石七斗二升六合七勺中次地六百  
七十八頃一畝二分九釐八毫五絲五忽每畝  
科糧二升九合七勺共糧二千一十三石六斗  
九升七合八勺九抄一撮內徵本色糧一百二  
十六石二升五合四勺折色糧一千八百八十

七石六斗七升二合四勺九抄一撮下等地三百一十八頃二十畝二分八釐八毫每畝科糧一升二合共糧三百八十一石八斗四升三合四勺五抄六撮內徵本色糧二十六石一斗四升三合折色糧三百五十五石七斗四勺五抄六撮五項共折色糧六千四百六十九石七斗二升三合一勺四抄七撮每石折銀八錢九分一釐三毫六絲九忽有奇共折徵銀五千七百六十六兩九錢一分五釐更名田上地一十八

頃五十六畝八釐每畝科糧三升共糧五十五石六斗八升二合四勺中地一十八頃九十畝

七分四釐五毫每畝科糧二升四合共糧四十

五石三斗七升七合八勺八抄二項共徵本色

米一百一石六升二勺八抄原額共徵本色糧

八斗九升九合三勺每石折粟米六斗共米三百二十二石一斗三升九合五勺八抄順治十四年蠲免二百二十一石順治十三年至十七年開墾荒地九頃八十七畝二釐八毫徵本色

糧六十七石一斗八升六合二勺康熙元年至



三年開墾荒地八頃七十八畝四分五釐三毫  
徵本色糧五十七石一升八合一勺八抄六撮  
康熙十八年清出隱漏地八十三頃四十七畝  
三分五釐六毫八絲二忽五微徵本色糧三斗  
五升六合九抄折色糧四百三十八石八斗八  
升六合三勺五抄康熙六十一年開墾下等荒  
地三十八畝七分六釐徵本色糧三升一合九  
勺二抄折色糧四斗三升三合一勺九抄雍正  
六年首墾地一十六頃二十七畝五釐八毫二

絲徵本色糧六石六斗七升八合一勺六抄折  
色糧九十五石七斗九升二合一勺順治十五  
年至十八年開墾更名田荒地五頃四十二畝  
七分徵本色糧一十一石四斗九升三合康熙  
元年至三年開墾更名田荒地二頃一十六畝  
徵本色糧三石四斗五升六合康熙十六年清  
出隱漏更名地九十頃三十二畝八分九釐徵  
本色糧二百六石一斗二升七合一勺一抄以  
上墾增民地共徵折色糧五百三十五石一斗

一升四合七勺折徵銀五百七十一兩九錢三分二釐又原額五頃民地內每畝徵九釐銀四釐一毫七絲二忽八微五纖有奇共徵銀六百二十四兩一錢八分五釐又每糧一石派驛站銀八分九釐二毫一絲有奇共銀五百七十七兩一錢六分八釐又加增絲絹銀二十二兩七錢五分又另徵匠價並脚價銀七兩七錢三分四釐乾隆三年奉文攤入地內徵收又原增民更名地內應徵本色糧七百七十九石二斗五合七勺內除徵米三百二十九石二斗五合七勺外餘米四百五十石每石折銀六錢折徵銀二百七十兩統計得現徵銀數米數

徭役

實行差人四千五百一十九丁實徵均徭顏料地差等銀二千七百八兩九錢四分八釐內辦買本色顏料銀二十九兩三錢九分五釐

實在人三千九百六十二丁除紳衿優免本身二百五十一丁實行差人三千七百一十一丁

內分六則上下則一丁徵銀一兩三錢中中則一丁徵銀一兩中下則二丁每丁科銀九錢一分徵銀一兩六錢二分下上則三十一丁每丁科銀六錢徵銀一十九兩六錢下中則四百九十五丁每丁科銀四錢徵銀一百九十四兩下下則三千一百九十一丁每丁科銀二錢徵銀六百三十九兩二錢六則共應徵銀八百五十四兩七錢二分現編均徭顏料銀一千七百二十三兩四分九釐除應徵外餘攤入地糧徵收

又徵地差銀六百一十一兩一錢三分三釐順治十二年清出土著新編三百一十二丁下下則每丁科銀二錢應徵銀六十二兩四錢現編均徭銀一百二十三兩九錢二分六釐除應徵外餘攤入地糧徵收順治十四年清出紳衿優免供丁四百九十六丁下下則每丁科銀二錢一釐二毫應徵銀九十九兩七錢九分五釐現編均徭銀二百一兩九錢五分三釐除應徵外餘攤入地糧徵收又徵地差銀四十九兩九錢

七分七釐統計得現徵數

解支

現解布政司戶部起運項下銀四千八百一十五

兩二錢一分一釐閏年加徵柴值銀一兩商稅正項銀一兩八錢七分二釐酒課

銀八錢六分七釐多存雷驛站銀三百五十九兩一錢三釐應解銀四千四百五十九兩八錢四分

七釐戶部顏料並脚價銀四錢二分五釐置買紬絹

並脚價銀一十九兩六錢九分四釐內解布政司銀一十三兩

九錢九分三釐解太原府銀五兩七錢一釐閏年加徵黃絲銀九錢三分二釐並解太原府其

解銀四千八百三十五兩三錢三分

乾隆四十一年新定賦役全書開載解戶部地

畝丁徭等銀四千五百一十九兩九錢一分二

釐八毫禮部羊價藥味紙價等銀八兩八錢八

分一釐六毫脚價銀一錢一分二釐七毫兵部

柴值銀三十三兩五錢脚價銀一兩五錢二分

七釐工部木柴翎毛等銀七十三兩二錢六分

五釐二毫脚價銀三錢九分六釐節年裁扣存

留項款並裁官經費等項解部銀一千四百三

十一兩四錢九分七釐八毫內除抵支驛站銀

三千九百三十三兩三錢二分一釐七毫又除  
 節年添設加增各項銀一百五十五兩五錢六  
 分七釐六毫又除乾隆二十九年敬陳管見等  
 事案內驛丞加巡檢銜添設弓兵工食銀六十  
 兩外實應解銀一千九百一十七兩一錢六分  
 九釐一毫脚價銀二兩三分四毫又解本色顏  
 料鋪墊改折核減解部銀六十二兩九錢七分  
 六釐六毫又額外匠價並脚價銀七兩七錢三  
 分三釐五毫

攤入地畝徵收

額外商稅正項銀二十二

兩四錢六分六釐裁操賞酒課銀一十兩四錢

以上實彙解戶部正賦裁扣裁官經費並開墾

額外隱漏增出均徭顏料折價核減停止鋪墊

奉裁驛站等項共銀二千二十兩七錢四分四

釐三毫脚價銀二兩二分四毫又解存留本省

額編兵餉銀二千七百九十二兩四錢二分七

釐一毫統計得解起運項下數又另解本色顏

料價銀辦解丁字庫本色黃蠟銀四錢四釐三

毫脚價銀二分一釐一毫置買紬絹銀一十九

兩六錢四分五釐七毫脚價銀四分七釐七毫  
得另解數

存留驛站銀四千五百一十兩四錢九分閏年多存留銀

三百五十九兩一錢三釐

額設存留銀五百七十七兩一錢六分八釐三

毫起運內抵支銀三千九百三十三兩三錢二

分一釐七毫現支工料不敷在于壽陽縣撥給

孟縣撥給銀一百四十五兩九錢五分五毫

共銀三百一十四兩七錢八分二釐七毫赴冀寧道請領支

存留官俸役食祭祀雜支照裁定銀一千二百三

十六兩六錢七分七釐

知縣俸銀四十五兩 門子二名工食銀一十

二兩 皂隸十六名工食銀九十六兩 馬快

手八名工食銀四十八兩 禁卒八名工食銀

四十八兩 更夫五名工食銀三十兩 轎夫

四名工食銀二十四兩 傘扇夫三名工食銀

一十八兩 庫子四名工食銀二十四兩 斗

級四名工食銀二十四兩 民壯二十六名工

食銀一百八十七兩二錢 捕役八名工食銀

四十八兩 舖司兵二十一名工食銀一百二

十六兩

典史俸銀三十一兩五錢二分 門子一名工

食銀六兩 皂隸四名工食銀二十四兩 馬

夫一名工食銀六兩

儒學教諭俸銀四十兩 廩生二十名餼糧銀

六十四兩 齋夫三名工食銀一十八兩 膳

夫二名工食銀二十三兩三錢三分三釐 門

斗三名工食銀一十八兩

驛丞俸銀三十一兩五錢二分 皂隸二名工

食銀一十二兩 弓兵十名工食銀六十兩

時憲書紙價銀二兩九錢

文廟祭祀銀四十兩 啟聖名宦鄉賢各祠祭祀銀

一十一兩一錢九分 風雲雷雨山川社稷凡

蜡等壇廟祭祀銀二十四兩 邑厲壇祭祀銀

一十二兩

關帝三代祭品銀二十兩九錢三分 雩禮壇祭品

銀三兩 初一十五行香講書銀五兩六錢

鄉飲酒禮銀一十五兩 孤老冬衣布花銀一

十一兩三錢二分几釐 迎春神牛酒席銀五

錢

起送赴考貢生酒席盤纏及考中正貢旗匾花

紅銀六兩 二年一辦共銀一十二兩

舉人坊牌銀五兩 三年一辦共銀一十五兩 餞送舊舉人會

試盤纏酒席銀一十六兩五錢 三年一辦共銀四十九兩五錢

新中進士旗匾賀儀銀三兩三錢三分三釐 三年一辦共銀三

一辦以一名為率共銀一十兩 新中舉人花紅酒席旗匾賀儀

餞送會試銀一兩五錢 三年一辦以一名為率共銀七兩五錢 本

州餞舊舉人會試卷價酒席銀五錢三分三釐

三年一辦共銀一兩六錢 武舉會試盤纏銀二兩 三年一辦共銀六兩

以上起運存畱共銀一萬五百九十二兩四錢九

分七釐內徵地糧銀七千九百四十兩六錢九分

四釐丁徭銀二千七百九兩九錢四分几釐又稅

課項下徵商稅正項銀二十二兩四錢四分六釐

酒課一十兩四錢統計得數



支給兵米二百二十六石八斗解和順縣兵米一百二石四斗五合七勺在現徵本色米內支解支舊兵米二百五十五石六斗餘米解太原理事府嗣于乾隆四十七年裁兵八名存米二十八石八斗並餘米改解

### 耗羨

地糧丁徭內除匠價並脚價及本色米改折等銀不加耗外實徵正銀一萬二百七十一兩八錢九分八釐每正銀一兩加耗銀一錢三分實徵耗羨銀一千三百三十五兩三錢四分七釐閏年加徵銀二錢五

### 分一釐

知縣支養廉銀一千兩繁費銀三百兩典史支養廉銀六十兩驛丞支養廉銀六十兩除額徵耗羨外不敷支給在于布政司請領

### 稅課

酒課銀一十兩四錢閏年加徵銀八錢六分七釐商稅正項銀

二十二兩四錢六分六釐閏年加徵銀一兩八錢七分二釐以上二款

並入起運項商稅盈餘銀三四十兩不等畜稅正項銀

六兩九錢六分六釐閏月加徵銀三錢畜稅盈餘銀三四

十兩不等房田契稅正項銀七兩二錢二分二釐  
房田契稅盈餘銀凡九十兩不等當稅每座徵銀  
五兩認退無定乾隆五十一年現徵銀一百六十  
兩牙稅上則徵銀一兩二錢中則徵銀凡錢下則  
徵銀六錢認退無定乾隆五十一年現徵銀三十  
五兩二錢

孟縣

田賦

熟墾地三千一十五頃七十六畝凡分六釐一絲

四忽

原額民田平地一千一百九十三頃二十六畝  
二分六釐七毫坡地一千六百七十九頃四十  
四畝九釐五毫二項共地二千八百七十一頃  
七十畝三分六釐二毫更名田上坡地四頃九  
十七畝七分六釐三毫四絲下坡地四十頃三  
十五畝六分五釐四毫七絲四忽二項共地四  
十五頃三十三畝四分一釐凡毫一絲四忽順  
治十二年清出民地三頃四畝順治十四年至

十八年開墾荒地三十七頃三十四畝五分康熙元年至十二年開墾民田更名荒地一十八頃四十畝三分康熙十六年清出隱漏地一十三頃一十四畝七分雍正六年首墾額內民田更名坡地二十六頃七十九畝五分八釐五項共地九十八頃七十三畝八釐

額徵夏稅秋糧一萬四千六百六十八石六斗五升五合內本色糧九百五十二石九斗七升九合六勺折色糧一萬三千七百一十五石六斗七升

五合四勺各徵不等折徵銀一萬二千八十八兩九錢六分六釐外九釐銀驛站銀加增豐贍庫稅糧並馬草銀絲絹銀匠價銀等項計徵銀三千八

百一十一兩八錢一分三釐其實徵銀一萬五千

九百兩七錢七分九釐

閏年加徵柴值銀四兩二錢五分黃絲銀三錢六分

七釐實徵本色糧九百五十二石九斗七升九合六

勺內正徵倉斗米八百三十四石二斗五升九合六勺倉斗豆一百一十八石七斗二升

平地一千一百九十三頃二十六畝二分六釐七毫每畝科糧八升共糧九千五百四十六石

一斗一合四勺內徵本色糧五百八十六石九斗一升六合八勺折色糧八千九百五十九石一斗八升四合六勺坡地一千六百七十八頃四十四畝九釐五毫每畝科糧二升八合一抄二撮九圭四粒一粟共糧四千七百一石八斗六合九勺內徵本色糧三百一十一石六斗八升三合二勺折色糧四千三百九十石一斗二升三合七勺二項共折色糧一萬三千三百四十九石三斗八合三勺每石折銀八錢八分三釐五絲六微共折徵銀一萬一千七百八十八兩一錢一分五釐更名田上坡地四頃九十七畝七分六釐三毫四絲每畝科本色糧六升六勺一撮八粒共徵本色糧三十石一斗六升五合下坡地四十頃三十五畝六分五釐四毫七絲四忽每畝科糧四升三合四抄九撮五圭九粒四粟共徵折色糧一百七十三石七斗三升三合三勺每石折銀四錢九分九釐六毫八絲二忽該銀八十六兩八錢一分一釐順治十二

平定州志

年清出民田三頃四畝共徵折色糧一十一石  
一斗七合几勺各徵不等折徵銀九兩几錢一  
分順治十四年至十七年開墾荒地三十七頃  
三十四畝五分共徵折色糧四十一石三斗二  
升各徵不等折徵銀四十五兩一錢三分七釐  
康熙元年至十二年開墾民田更名荒地一十  
几頃四十畝三分共糧四十九石几斗五升一  
合五勺內徵本色糧一十七石一斗二升七合  
九勺折色糧三十二石七斗二升四合六勺折

徵銀二十四兩九分几釐康熙十六年清出隱  
漏地一十三頃一十四畝七分共糧三十六石  
几斗二升几合六勺內徵本色糧二石四斗四  
升一合四勺折色糧三十四石三斗几升七合  
二勺折徵銀四十五兩一錢几分六釐雍正六  
年首墾額內民田更名坡地二十六頃七十九  
畝五分几釐共糧七十七石七斗三升九合四  
勺內徵本色糧四石六斗四升五合四勺折色  
糧七十三石九升四合折徵銀几十九兩几錢

凡釐又原額民田平坡二項地內每畝徵銀九釐一毫七忽五微凡織共銀二千六百一十五兩四錢二分七釐又每糧一石派驛站銀凡分二釐七毫凡絲四忽五微六織共銀一千一百五兩一錢一分七釐又加增豐贍庫稅糧竝馬草折徵銀凡兩五錢一分九釐又加增絲絹銀四十二兩二錢五分又另徵匠價銀四十兩五錢乾隆三年奉文攤入地內徵收統計得現徵銀數米數

徭役

實行差人三萬一千三百三十七丁實徵均徭顏料等銀四千四百七十二兩凡錢四分一釐

實在人三萬七十四丁除紳衿優免本身四百五十六丁實行差人二萬九千六百一十八丁內分五則中中則一丁徵銀六錢九分中下則三丁每丁科銀五錢九分徵銀一兩七錢七分下上則一十九丁每丁科銀四錢二分凡釐五毫徵銀凡兩一錢四分一釐下中則九百一十

凡丁每丁科銀三錢一分九釐六毫七絲徵銀  
二百九十三兩四錢五分七釐下下則二萬八  
千六百七十七丁每丁科銀一錢三分六釐一  
毫二絲徵銀三千九百三兩五錢一分三釐五  
則其徵均徭並辦買本色顏料銀四千二百七  
兩五錢七分一釐順治十二年清出土著新編  
一千七十二丁下下則每丁科銀一錢三分六  
釐一絲徵銀一百四十五兩八錢三釐順治十  
四年清出紳衿優免供丁六百四十六下內下  
上則三丁每丁科銀五錢二分八釐徵銀一兩  
五錢八分四釐下中則三十丁每丁科銀三  
錢六分三毫徵銀一十三兩六錢九分一釐下  
下則六百五丁每丁科銀一錢七分二釐徵銀  
一百四兩六分三則其徵均徭銀一百一十九  
兩三錢三分五釐康熙十二年清出不應優免  
人一丁徵銀一錢三分一釐統計得現徵數

### 解支

現解布政司戶部起運項下銀一萬四千六百四

十四兩二錢三分

閏年加徵柴值銀四兩二錢五分商稅正項銀八兩九分九釐

酒課銀一兩六錢七分多存留驛站銀三百六十二兩九錢一分一釐應解銀一萬四千二百九十

五兩三錢三分戶部顏料並脚價銀四錢二分五釐置

買紬絹並脚價銀三十一兩三錢二分

內解布政司銀二十

四兩七錢三分解太原府銀六兩五錢九分其

閏年加徵黃絲銀三錢六分七釐並解太原府解銀一萬四千六百七十五兩九錢七分五釐

乾隆四十一年新定賦役全書開載解戶部地

畝丁徭等銀一萬二千四百兩七錢一分五釐

二毫禮部羊價藥味紙價等銀三十兩二錢三

釐六毫脚價銀二錢八分三釐四毫兵部柴薪

銀五十兩脚價銀二兩四分七毫工部柴夫木

柴胖襖等銀六百九十一兩六錢四釐六毫脚

價銀二兩四錢三分一釐三毫節年裁扣存留

款項並裁官經費等項解部銀二千三百八兩

一錢二分一釐五毫內除抵支驛站銀三千四

百五十一兩七分三釐三毫又除節年添設加

增各項銀一百六十四兩三錢一分五釐三毫

又除乾隆二十九年敬陳管見等事案內驛丞



加巡檢銜添設弓兵工食銀六十兩外實應解  
銀一萬一千九百五兩二錢五分六釐四毫脚  
價銀四兩七錢五分五釐五毫又解本色顏料  
鋪墊改折核減解部銀六十八兩九錢八分七  
釐八毫又額外匠價銀四十兩五錢攤入地畝徵收額  
外商稅正項銀九十七兩一錢九分三釐裁操  
賞酒課銀二十兩以上實彙解戶部止賦裁扣  
裁官經費竝開墾額外隱漏增出均徭顏料折  
價核減停止鋪墊等項共銀一萬二千三十一

兩九錢三分七釐二毫脚價銀四兩七錢五分  
五釐五毫又解存留本省額編兵餉銀二千六  
百七兩五錢三分七釐七毫統計得解起運項  
下數又另解本色顏料價銀辦解丁字庫本色  
黃蠟銀四錢四釐三毫脚價銀二分一釐一毫  
置買紬絹銀三十一兩二錢二分七釐八毫脚  
價銀九分二釐得另解數

存留驛站銀四千五百五十六兩一錢九分閏年多存

留銀三百六十二兩九錢一分一釐

額設存留銀一千一百五兩一錢一分六釐七

毫起運內抵支銀三千四百五十一兩七分三

釐三毫內裁減各項抵支存剩撥給平定州不敷銀一百四十五兩八錢三分二釐解

奠寧道給領支銷細數詳驛站

存留官俸役食祭祀雜支照裁定銀一千二百五

十兩六錢四分七釐

知縣俸銀四十五兩 門子二名工食銀一十

二兩 皂隸十六名工食銀九十六兩 馬快

手八名工食銀四十八兩 禁卒八名工食銀

四十八兩 更夫五名工食銀三十兩 轎夫

四名工食銀二十四兩 傘扇夫三名工食銀

一十八兩 庫子四名工食銀二十四兩 斗

級四名工食銀二十四兩 民壯二十六名工

食銀一百八十七兩二錢 捕役八名工食銀

四十八兩 舖司兵十三名每名工食不等銀六十六

兩

典史俸銀三十一兩五錢二分 門子一名工

食銀六兩 皂隸四名工食銀二十四兩 馬

夫一名工食銀六兩

儒學教諭俸銀四十兩 訓導俸銀四十兩

廩生二十名餼糧銀六十四兩 齋夫三名工

食銀一十九兩 膳夫二名工食銀一十三兩

三錢三分三釐 門斗三名工食銀一十九兩

驛丞俸銀三十一兩五錢二分 皂隸二名工

食銀一十二兩 弓兵十名工食銀六十兩

時憲書紙價銀一十一兩九錢四分二釐

文廟祭祀銀四十兩 啟聖名宦鄉賢各祠祭祀銀

一十一兩一錢八分 風雲雷雨山川社稷

蜡等壇廟祭祀銀二十四兩 邑厲壇祭祀銀

一十二兩

關帝三代祭品銀二十兩八錢三分 雩禮壇祭品

銀三兩 初一十五行香講書銀五兩六錢

鄉飲酒禮銀一十五兩 孤老冬衣布花銀二

十二兩六錢五分六釐 迎春神牛酒席銀五

錢 陽曲縣雇募書手銀一兩五錢

起送赴考貢生酒席盤纏及考中正貢旗匾花

紅銀六兩 二年一辦共銀一十二兩

舉人坊牌銀七兩五錢 三年一辦共銀二十二兩五錢 餞送舊

舉人會試盤纏酒席銀三十三兩 三年一辦以六名為率共

銀九十 新中進士旗匾賀儀銀三兩三錢三分

三釐 三年一辦以一名為率共銀一十兩 新中舉人花紅酒席旗

匾賀儀餞送會試銀二兩五錢 三年一辦以一名為率共銀七

兩五 太原府餞送舉人會試卷價酒席銀五錢

三分三釐 三年一辦共銀一兩六錢 武舉會試盤纏銀三兩

三年一辦共銀九兩

以上起運存留共銀二萬四百九十兩九錢一分

三釐內徵地糧銀一萬五千九百兩七錢七分九

釐丁徭銀四千四百七十二兩九錢四分一釐又

稅課項下徵商稅正項銀九十七兩一錢九分三

釐酒課銀二十兩統計得數

徵完本色米豆全數支給兵餉 建曠扣存不敷買備

耗羨

地糧丁徭內除匠價銀不加耗外實徵正銀二萬

三百三十三兩一錢二分每正銀一兩加耗銀一

錢三分實徵耗羨銀二千六百四十三兩三錢六

釐閏年加徵銀五錢

知縣支養廉銀一千兩繁費銀三百兩典史支

養廉銀六十兩驛丞支養廉銀六十兩支剩銀

一千二百二十三兩三錢六釐解布政司

稅課

酒課銀二十兩閏年加徵銀一兩六錢七分商稅正項銀九十

七兩一錢九分三釐閏年加徵銀八兩九分九釐

溢額商稅銀五兩一錢一分三釐商稅盈餘銀八

九十兩不等商稅正項銀二十一兩閏年加徵銀一兩七錢五

分二釐畜稅盈餘銀一百二十兩不等房田契稅

正項銀一十一兩一釐房田契稅盈餘銀二三十

兩不等當稅每座徵銀五兩認退無定乾隆五十

一年現徵銀五百四十兩牙稅上則徵銀一兩二

錢中則徵銀八錢下則徵銀六錢認退無定乾隆

五十一年現徵銀一百四十五兩八錢五分

壽陽縣

田賦

熟墾地共三千五百八十頃七十三畝八分九釐  
今奏銷冊額尾數七  
十一畝八分七釐

原額民田平地一百三頃一十八畝坡地一千  
九百七十二頃七十八畝四分七釐五毫二絲  
沙地一千四百二十一畝五分二釐  
四毫八絲三項共地三千四百三頃一十八畝  
王田河灘下地四頃四十七畝六分二釐五毫  
山坡下地二十九頃一十五畝二分七釐五毫  
二項今爲更名田共地三十三頃六十二畝九

分順治十二年清出民地三頃二十二畝三分  
康熙十六年清出隱漏地一百二十八頃三十  
三畝六分七釐雍正六年首墾地一十二頃三  
十七畝三項共地一百四十三頃九十二畝九  
分七釐

額徵夏稅秋糧一萬六千九百九十石三斗三升  
二合三勺內本色糧一千七十六石二斗三升八  
勺折色糧一萬五千八百四石一斗一合五勺各  
徵不等折徵銀一萬四千二百兩四錢二釐更名

田折租銀七十三兩五分八釐外九釐銀驛站銀  
 加增豐贍庫稅糧馬草銀絲絹銀匠價銀房課銀  
 等項計徵銀四千三百六十四兩四錢八分六釐  
 其實徵銀一萬八千六百三十七兩九錢四分六  
 釐閏年加徵柴值銀四兩黃絲銀四錢七分實徵  
三釐 縣志誤作驛站銀茲依奏冊改正  
 本色糧一千七十六石二斗三升八勺內徵倉斗  
 十石四斗一合七勺倉斗豆一百  
 一十五石八斗二升九合一勺  
 平地一百三頃一十八畝每畝科糧九升其徵  
 糧九百二十八石六斗二升內本色米五十九

石二斗四升五合折色糧八百六十九石三斗  
 七升五合坡地一千八百七十二頃七十八畝  
 四分七釐五毫二絲每畝科糧六升其徵糧一  
 萬一千二百三十六石七升八合一勺內本色  
 米七百一十六石八斗九升四勺折色糧一萬  
 五百一十九石八斗一升八合一勺沙地一千  
 四百二十七頃二十一畝五分二釐四毫八絲  
 每畝科糧三升其徵糧四千二百八十一石三  
 斗四升五合七勺內本色米二百七十三石一

斗六升四合六勺折色糧四千儿石一斗儿升  
一合一勺三項共折色糧一萬五千三百九十  
七石六斗七升四合二勺每石折徵銀儿錢儿  
分儿釐四毫儿絲有奇計徵銀一萬三千六百  
儿十兩六錢三分二釐更名王田內河灘下地  
四頃四十七畝六分二釐五毫每畝徵租銀三  
分儿釐儿毫七絲一忽儿徵有奇共銀一十七  
兩四錢山坡下地二十九頃一十五畝二分七  
釐五毫每畝徵租銀一分九釐九絲一忽儿徵

有奇共銀五十五兩六錢五分儿釐順治十二  
年清出民地三頃二十二畝三分各徵不等其  
徵折色糧一十一石二斗三升儿合每石折徵  
如前計銀九兩九錢儿分五釐康熙十六年清  
出隱漏地一百二十儿頃三十三畝六分七釐  
每畝科糧三升共徵糧三百儿十五石一升一  
勺內本色米二十四石五斗六升三合二勺折  
色糧三百六十石四斗四升六合九勺折徵不  
等計銀四百六十四兩九錢六分儿釐雍正六



年首墾地一十二頃三十七畝每畝科糧三升  
共徵糧三十七石一斗一升內本色米二石三  
斗六升七合六勺折色糧三十四石七斗四升  
二合四勺折徵不等計銀四十四兩九錢一分  
七釐又原額平坡沙三項地內每畝徵銀九釐  
共銀三千六十二兩九錢六分二釐又每糧一  
石派驛站銀九分一釐四絲四忽九微共銀一  
千二百四十七兩九錢又加增豐贍庫稅糧並  
馬草折徵銀二兩四錢七分四釐又加增絲絹

銀一十一兩七錢又舊徵太安驛房課銀四兩  
今攤入更名地內徵收又另徵匠價銀三十五  
兩五錢五分乾隆三年攤入各項地內徵收統  
計得現徵銀數米數

### 徭役

實行差人四萬六千一十丁實徵均徭胖襖顏料

地差銀七千三十兩七錢四分三釐

內胖襖銀九  
十七兩辨買

本色顏料銀四十四兩四錢六  
分三釐三毫四絲九忽五微

實在人四萬六百六十六丁除紳衿優免本身

五百三十五丁實行差人四萬一百三十一丁  
內分九則上上則一百一丁每丁徵銀九錢五  
分七釐一毫五絲徵銀九十六兩六錢七分二  
釐上中則四十丁每丁科銀九錢五分九毫徵  
銀三十四兩三分三釐上下則五十九丁每丁  
科銀七錢四分四釐四毫徵銀四十三兩一錢  
七分六釐中上則一百六丁每丁科銀六錢三  
分九釐一毫徵銀六十七兩六錢三分九釐中  
中則二百一十丁每丁科銀五錢三分一釐七

毫五絲徵銀一百一十一兩六錢六分九釐中  
下則五百四十二丁每丁科銀四錢二分五釐  
四毫徵銀二百三十兩五錢六分七釐上下則  
一千九百七十六丁每丁科銀三錢一分九釐  
五絲徵銀五百九十九兩五錢三分九釐下中  
則一萬九百七十六丁每丁科銀二錢一分二  
釐七毫徵銀二千三百一十三兩三錢二分六  
釐下下則二萬六千三百二十二丁每丁科銀  
一錢六釐三毫五絲徵銀二千七百九十九兩

三錢四分五釐九則其徵均徭胖襖顏料等銀  
 六千二百九十四兩九錢六分三釐順治十二  
 年清出土著新編四千九百五十七丁下下則  
 科如前數徵銀五百二十七兩一錢七分七釐  
 順治十四年清出優免供丁九百二十二丁內  
 下中則六百六丁下下則三百一十六丁各科  
 如前數其徵均徭銀一百六十二兩五錢三釐  
 又徵地差銀四十六兩一錢統計得現徵數

解支

現解布政司戶部項下銀一萬九千六百三十二

兩九錢一分六釐閏年加徵柴值銀四兩商稅正

銀二兩六錢六分七釐多存留驛站銀三百六十

一兩六錢四分四釐應解銀一萬九千九百九

二兩四錢戶部顏料並脚價銀四錢二分五釐置

買紬絹並脚價銀三十四兩一錢五分內解布政

五兩四錢四分六釐解太原府銀八兩七錢四釐

閏年加徵黃絲銀四錢七分二釐並解太原府

共解銀一萬九千六百六十七兩四錢九分一釐

乾隆四十一年新定賦役全書開載解戶部地  
 畝丁徭等銀一萬二千九百一十三兩七錢五

分七釐三毫禮部藥味北羊紙價等銀八十九兩四錢六釐三毫脚價銀三兩二分一釐六毫兵部柴值銀八十一兩五錢脚價銀三兩五錢七分五釐七毫工部柴夫木柴胖襖等銀七百一十一兩五錢三毫脚價銀二兩八錢九分二釐二毫節年裁扣存留款項並裁官經費等項解部銀四千一十六兩一錢七分七釐八毫內除抵支驛站銀三千二百九十三兩八分九釐七毫又除節年添設加增各項銀一百九十五

兩三錢八分二釐七毫又除乾隆二十九年敬

陳管見等事案內驛丞加巡檢銜添設弓兵工

食銀六十兩外實應解銀一萬四千一百七十

三兩八錢六分九釐四毫脚價銀九兩四錢八

分九釐六毫又解本色顏料鋪墊改折核減解

部銀七十兩二錢五分三釐一毫又額外匠價

銀三十五兩五錢五分

攤入地畝徵收

額外商稅正項

銀六十四兩九錢八分四釐裁操賞酒課銀三

十二兩以上實彙解戶部正賦裁扣裁官經費

竝開墾額外隱漏增出均徭顏料折價核減停止等項共銀一萬四千三百七十六兩六錢五分六釐六毫脚價銀九兩四錢九分九釐六毫又解存留本省額編兵餉銀五千二百四十六兩七錢六分九釐四毫統計得解起運項下數又另解本色顏料價銀辦解丁字庫本色黃蠟銀四錢四釐三毫脚價銀二分一釐一毫置買紬絹銀三十三兩九錢五分九毫脚價銀一錢九分九釐三毫得另解數

存留驛站銀四千五百四十二兩九錢九分開年多存留銀

三百六十一兩六錢四分四釐

額設存留銀一千二百四十七兩九錢三毫起

運內抵支銀三千二百九十三兩九錢七分九釐七

毫內裁減各項抵支存剩撥給樂平縣不敷銀一百六十八兩九錢五分五毫解冀寧道給

領支銷項款詳驛站

存留官俸役食祭祀雜支照裁定銀一千五百五

十七兩一錢九分二釐

知縣俸銀四十五兩 門子二名工食銀一十

二兩 皂隸十六名工食銀九十六兩 馬快  
手几名工食銀四十九兩 禁卒几名工食銀  
四十九兩 更夫五名工食銀三十兩 轎夫  
四名工食銀二十四兩 傘扇夫三名工食銀  
一十九兩 庫子四名工食銀二十四兩 斗  
級四名工食銀二十四兩 民壯三十五名工  
食銀二百五十二兩 捕役几名工食銀四十  
几兩 舖司兵五十一名工食銀三百六兩  
典史俸銀三十一兩五錢二分 門子一名工

食銀六兩 皂隸四名工食銀二十四兩 馬  
夫一名工食銀六兩

儒學教諭俸銀四十兩 訓導俸銀四十兩

廩生二十名餽糧銀六十四兩 齋夫三名工

食銀一十九兩 膳夫二名工食銀一十三兩

三錢三分三釐 門斗三名工食銀一十九兩

驛丞俸銀三十一兩五錢二分 皂隸二名工

食銀一十二兩 弓兵十名工食銀六十兩

時憲書紙價銀六兩几錢七分

文廟祭祀銀四十兩 啟聖名宦鄉賢各祠祭祀銀

一十一兩一錢九分 風雲雷雨山川社稷

蜡等壇廟祭祀銀二十四兩 邑厲壇祭祀銀

一十二兩 韓文公祠祭祀銀三兩六錢

關帝三代祭品銀二十兩九錢三分 雩禮壇祭品

銀三兩 初一十五行香講書銀五兩六錢

鄉飲酒禮銀一十五兩 孤老冬衣布花銀四

十三兩四錢二分四釐 迎春神牛酒席銀五

錢

起送赴考貢生酒席盤纏及考中正貢旗匾花

紅銀六兩 二年一辦共銀一十二兩

舉人坊牌銀七兩 三年一辦共銀二十一兩 餞送舊舉人會

試酒席盤纏銀一十兩五錢 三年一辦共銀三十一兩五錢 新

中舉人花紅酒席旗匾賀儀餞送會試銀二兩

五錢 三年一辦以一名為率共銀七兩五錢 太原府餞送舉人會

試卷價酒席銀五錢三分三釐 三年一辦共銀一兩六錢 武

舉盤纏銀三兩六錢一分五釐 三年一辦共銀一十兩九錢四

分五釐 膳錄書手工食銀一兩六錢六分七釐 三年

一辦共銀五兩

以上起運存留共銀二萬五千七百六十五兩六錢七分三釐內徵地糧銀一萬九千六百三十七兩九錢四分六釐丁徭銀七千三十兩七錢四分三釐又稅課項下徵商稅正項銀六十四兩九錢九分四釐酒課銀三十二兩統計得數

徵完本色米豆全數支給兵餉建曠扣存不敷買備

耗羨

地糧丁徭內除匠價銀不加耗外實徵銀二萬五

千六百三十三兩一錢三分九釐每正銀一兩加耗銀一錢三分實徵耗羨銀三千三百三十二兩

三錢九釐閏年加徵銀五錢九分

知縣支養廉銀一千兩繁費銀三百兩典史支養廉銀六十兩驛丞支養廉銀六十兩支剩銀一千九百一十二兩三錢九釐解布政司

稅課

酒課銀三十二兩閏年加徵銀二兩六錢六分七釐商稅正項銀六十四兩九錢九分四釐閏年加徵銀五兩四錢一分五釐以上二款



竝入起 溢額商稅銀六十八兩五錢五分商稅盈  
運項

餘銀一百四十五兩不等畜稅正項銀一十五兩

几錢四分三釐

閏年加徵銀二兩  
一錢一分四釐

畜稅盈餘銀二

百七几十兩不等房田契稅正項銀一十三兩六

錢六分五釐房田契稅盈餘銀二百几九十兩不

等當稅每座徵銀五兩認退無定乾隆五十一年

現徵銀七百二十兩牙稅上則徵銀一兩二錢中

則徵銀几錢下則徵銀六錢認退無定乾隆五十

一年現徵銀六十七兩四錢

倉儲

附社倉義倉

常平患糴糶不平社倉患出入不均此州縣所同  
而平定則否時其出也常慮其積少及其入也又  
嫌其出多豈非以採買之艱乎且以州之爲田比  
他處僅十之三以三之入雖豐歲不足以給將于  
何糴乎然非是則無從得粟又非所以重倉儲籌  
緩急故常有賴于當事之調劑焉

州

額貯常平穀一萬六千石增貯穀一萬四千石

每年

春農民乏食准以十分之三出借秋後徵還收成  
 七分免息凡分以息一分又額設孤貧口糧  
 准動常平倉穀支給故每年現貯穀倉三處高積  
 數增減不一此其原額也三縣做此倉三處高積  
 倉在州署儀門外本同知宅舊址雍正五年知州  
 青阿立建十七年知州安克寬增建乾隆三十  
 一年重修計廢預備倉在州署大門外明正統四  
 儿座共四十間預備倉在州署大門外明正統四  
 一年知州吳肅增修宏治十一年知州葉蒿建成  
 二十一年知州宋沛皆重修  
 國朝乾隆三十年重修計豐恆倉在學院署西乾隆  
 廢十三座共四十九間  
 座共二  
 十間

社穀無定額 春准借十分之五秋還加 現貯穀二  
 千一百九十一石有奇無倉穀貯預備倉 舊有倉  
 二處一

在州東柏井鎮一在  
 州西平潭鎮今廢

義穀無定額 乾隆十二年知州王祖庚奉文勸輸  
 凡百五十石春借秋還如社倉例三

縣做 現貯穀九百七石有奇無倉穀貯高積倉 舊  
 此 倉六處一在東關一在西郊鎮一在新興鎮一在  
 營莊都一在拒城都一在移穰邨俱明知州宋沛  
 建久 廢

樂平縣

額貯常平穀一萬三千石增貯穀一千石倉二處

常平倉 在縣署西廢 預備倉 在縣署東廢  
 三十七間 二十四間

社穀無定額現貯穀五百三十石有奇無倉穀散

寄各郵

義穀無定額現貯穀五百五十四石四斗無倉穀

寄貯南門鳴鳳樓

孟縣

額貯常平穀一萬三千石增貯穀一萬三千石倉

四處長豐倉

在縣署大門外中正街路

長盛倉

在

東崇文巷路東計

長裕倉

在縣署大門內計

長盈

倉

在縣署儀門內計

社穀無定額現貯穀一千九十六石有奇無倉穀

與常平統貯

義穀無定額現貯穀二千一百五十六石有奇倉

二 一在城一穀分貯

社義二倉現貯穀數依現報案冊造與縣志不符

壽陽縣

額貯常平穀一萬三千石增貯穀一萬三千石倉

三處預備倉

在城隍廟右舊廢十六乾隆三十年知縣梅廷猷增建廢十五共三十一

廠改名常平倉

一在守備署西舊廢十二知縣梅

署西舊

新常平倉

在縣署大門內西共十九廢乾

社穀無定額現貯穀四千一百九十二石有奇倉

十處志一在城乾隆二十七年紳士鄉民捐建詳縣  
在解愁鎮一在張淨鎮一在平頭鎮一在宗艾鎮一  
在胡家烟鎮一在雲烟鎮一在太安驛鎮一在北河鎮 穀分貯

義穀無定額現貯穀二千七百五十五石有奇倉

十處地與社 穀分貯社義倉穀數亦與縣志不符

鹽法

語云不法法則事無常抑有無法者平定地隸河東而池鹽不至又土宜不任熬煎例食太原徐溝土鹽聽自負販往時有議立商食長蘆鹽者蓋以近界若直隸之井陘平山贊皇諸處皆有商運事

亦宜然既又以引地難于更張法卒不立竊以

國家設權鹽之司期于裕國便民耳苟使

國無虧課民鮮淡食法孰便于斯今州暨縣戶口數十萬鹽宜乏而不乏而至今相安無異者亦以聽民自便故也故詳其原委而引日稅額備列焉

河東鹽池介解州安邑之交置轉運使司全晉食

鹽地方皆隸焉而汾以東相距漸遠又隨地皆產

煎鹽民苦輓運之艱而利土產之便不能終食池

鹽勢也是以

國家立河東鹽法太原汾州寧武遼沁忻代保德與平定九府州屬聽食土鹽而領引于河東其始不暇詳考通志載順治二年巡鹽御史劉令尹以申明轄屬題稱太原汾州食本地煎鹽舊皆河東所轄則知其由來久矣今平定及所屬三縣皆踵行如故

州縣境不產鹽所食出太原徐溝等地無商人領引銷運鹽聽民自買引則州縣領自運司課銀名曰鹽稅亦州縣徵收次年彙解運司竝殘引附繳

焉

徵稅之法都郵里甲各有定數大約按丁分派永

為定額歷無改變

孟縣志稱雍正二年歸入地糧徵收壽陽志稱雍正四年署知

縣趙尚友詳定按丁納稅

每引一行鹽二百斤徵稅銀三錢九分八釐有奇紙價銀三釐每正稅銀一兩加徵平餘銀二分五釐有奇

州額行八百六十二引正稅銀三百四十三兩一錢七分紙價銀二兩五錢八分六釐加平餘銀八

兩六錢四分四釐

樂平縣額行二百六十四引正稅銀一百五兩八

分八釐紙價銀七錢八分三釐加平餘銀二兩六

錢四分七釐按今解額正稅銀一百五兩三錢九

分數則舛案牘相沿之誤也

孟縣額行一千七百二十八引正稅銀六百八

七兩八錢六分二釐紙價銀五兩一錢八分四釐

加平餘銀一十七兩三錢二分六釐

壽陽縣額行二千三百三十九引有半正稅銀九

百三十一兩二分二釐紙價銀七兩一分八釐加

平餘銀二十三兩四錢五分一釐按孟縣志原額

二次加增七百七十三引壽陽縣志原納稅銀五

百三十二兩九錢六分二次加稅銀二百九十八

兩六分二釐考大清會典河東歲額正改鹽四十一萬七千四百四十

三引嗣于雍正七年增解安引八千七百九百

四十七引武請增引八千七百四十二萬六千九百

州及樂平現行之額內亦應有原額加增之分然

二次增引明指解安長武似與他州縣無涉且所

增不及原額四十分之一何孟壽二邑加至十之七

物產

平定土產以炭為最說文所謂炭乃木炭也此炭  
即漢地志所云石可燃為薪者取之地中土人每  
視山上石脈即知炭之有無有穿地至三四十丈  
者其堅者椎之難碎燃之耐久故平定皆有火坑  
以此然亦不過數處如東溝嶺上西鎖黃石卜嘴  
平潭其最著者其他處閒有之總遜此數處樂平  
孟又不及州壽陽則無至其他物或同或異可類  
稽焉

物產者土所宜也州及樂平孟壽陽地土不異故

物產大略皆同閒有此無彼有者或亦不盡確茲

第就各志之同異分疏之以備考焉州及三縣同

者穀則有黍稷粟梁大麥小麥黑豆豌豆大豆菜

豆扁豆麻子蕎麥蔬則有芥菘菠菜芹韭蔥蒜茄

蘿蔔樂平有萵苣蔓菁壽陽有芫荽蘑菇樂平有

蘇則有西瓜南瓜王瓜菜瓜絲瓜甜瓜匏孟壽陽

瓠志並作果則有桃杏李梨核桃檉柰即蘋果而孟壽

花則有護菊牡丹芍藥迎春玉簪鳳仙雞冠木則

有松柏槐柳桑榆楊椿藥則有牽牛升麻柴胡酸

棗仁益母草禽則有雞鶩鴨鵲燕雀鷓鴣鷓鴣

石鷄啄木獸則有馬羸牛驢羊猪狗數物皆家所畜牛驢壽陽

產者特高大四方爭售而縣志多不列豈以為常畜而非專產與依州志例補之貓鼠虎

狐麀麀獾兔貨屬則有絲絹州舊志色黃如平陽之黃絹而粗疏不及

非佳石灰州與樂平孟同者穀則有小豆豇豆燕

麥一名油麥蔬則有蒼蓮荷蒿木耳州曰草耳孟蔬則

有北瓜葫蘆花則有刺梅秋海棠樂平孟藥則有

牛旁子桔梗地榆荆芥禽則有鷹鷂鳥野雞獸則

有鹿猴蟲則有蠶蜂蛇蝎蜈蚣蛙蝶蚧蜻蜒蟋蟀

鹽壽陽志無出屬貨屬則有麻鐵石炭木炭孟志有柴薪未詳何物要

亦隨處有砂器州舊志產州北山中砂色白俗名

之故不載砂州與樂平壽陽同者穀則有胡麻眉豆

即州產也州與樂平壽陽同者穀則有胡麻眉豆

果則有棗有紅黑二種樂葡萄石榴花則有紫荊

山丹石竹薔薇壽陽有五色者金盞木則有樗藥則有黃

芩車前子防風遠志知母禽則有鳩獸則有狼貨

屬則有羊絨州與孟壽陽同者花則有葵樂平與

孟壽陽同者果則有榛子木則有楸藥則有甘草

蒼朮禽則有雉獸則有豹其穀之稊葛蔬之山藥



花椒果之花紅沙果柿花之粉團木槿月季蜀葵  
蓼木之青楊禽之脊令獸之黃鼠蟲之蝎虎蛇獅  
貨屬之羊毛蜂蜜火石靛則惟州樂平同也蘇之  
冬瓜蟲之螢蟬螳螂則惟州孟同也藥之石膏則  
惟州壽陽同也蔬之蕨則惟樂平孟同也藥之款  
冬則惟樂平壽陽同也蔬之馬齒黃花花之珍珠  
藥之薄荷大黃禽之鶴獸之狸貨屬之木綿磁器  
則惟孟壽陽同也至若州之果有無花果果花有翠  
蛾眉五色梅儿仙干葉蓮木有樺檀藥有連翹赤

石脂常山黃精何首烏兔絲子黃石子藁本地丁

天麻夏枯草五靈脂無名異禽有紅雀戴勝鷓鴣

蟲有蝸牛貨屬有磨石浮石水湑石黑礬鉛舊志在州

東北銅題山乾隆三年知州王世詵募土商開採未幾砂斷十三年知州王祖庚詳請封閉今按舊志無銅樂平之穀有稻花有棣棠荷包牡丹木有題山

檉椴櫨藥有茯苓半夏山櫨麻黃乾葛墓頭回草

烏頭地骨皮禽有鷺鷥獸有鼠狼孟之穀有靛穀

蔬有莧苦薊甜薊果有櫨即紅花有合歡金銀花

馬蘭丁香篇竹木有相漆草有萍葦茅蓬各志無草屬樂

平有葦附花屬藥有藍茜艾蒼耳地黃羊蹄根楸木皮貫

眾黃耆瓦松王不留行禽有鵠鷗蠟嘴鷺鷥鷓鴣

獸有山猪山羊水狗松狗貉蟲有蛹蠅螂蝻蠹

衣魚蝦蟇蚪蚪果羸蜴蚱蜢蟻螻蛄縣志有蜘蛛蟻隨地

而有之物不得謂為一方之專產也去之貨屬有瓦器柳器縣志有農器木器亦

各處皆有不得為專產壽陽之穀有菽蔬有藤蒿香菜蔬有

中瓜花有地曇木有樅藥有大戟苦參沙參米穀

葶藶紫蘇茵陳茅香龍骨斑貓蒺藜郁李仁蒲公

英禽有布穀青鷓紅鶴魚虎獸有黃腰獺則又所

獨者也

風土 附歲時禮儀

班固序風土于魏引唐風稱其君子深思小人儉

陋于趙言太原上黨多晉公族以詐力相傾矜夸

功名嫁娶送死奢靡平定為唐東境而趙之西部

二者蓋兼之至于以土會之法辨五地之物生以

土宜之法辨十有五土之名物則雖一隅必有可

紀者焉

州

郡小民淳俗重端午其風清簡好尚文章元志其土

瘠其民勤其俗朴質其風慄悍尚有陶唐氏之遺

風呂思誠風土記平定地僻而要故州人雖處山林澗谷

之中而達于四方之政其為士者亦純明而朴茂

疏通而謹恪吏茲土者雖憚于迎送之煩然亦幸

其民易使事易集而政易成也王鴻儒學記士勤于學

農務于耕祝志其風清簡第尚文學而少爭訟俗重

禮義人業耕耘織紡之利視鄰邑不逮也士占習

尚書師授家傳比屋皆是多以經魁省闈市井便

作生理男子不遠遊婦女不交易士大夫不衣文

繡不乘輿馬穆志平定風俗夙稱淳樸今則漸入奢

靡冠蓋輿衛以非分交騁庖俎珍麗以侈富相高

至于士民讌飲通宵絲竹自娛每歲冬終夜不絕

至里巷齊民秉燭夜遊恬不為禁不能不為風俗

慮也所望司土者返朴還淳一起其敝而更之乎

延志舊志風俗信如唐風所咏季札之觀矣近讀延

計部志視昔稍異山西厥土堯塢故民多貧厥俗

勤儉故用僅足今地利所出不及于昔而奢靡之

風漸比東南將何以爲繼也士大夫家頗倣古禮者有之而風俗流溢幾至于廢冠不筮賓婚不親迎况未冠而婚尤爲悖謬家祭無專祠而居室競爲麗喪用浮屠吹竽伐鼓破涕爲笑恬而不怪傳曰干木隱而西河重王烈賢而太原恥古人一鄉雅化可覆而試諸延志補平定山多土瘠民勞俗朴國朝百餘年來休養生息戶口日繁計地所出歲莫能給力農之外多陶冶砂鐵等器以自食他若賈易子燕趙齊魯聞者幾十之五近復習尚奢侈婚

喪讌會及服食器用之屬率皆趨華厭朴務爲觀美富而教之使俗返淳良風敦朴素豈非良有司之責哉王志俗多淫祀雖孤郵僻野賽神演戲無歲無之其郵落大者無月無之補俗重龍神尊之曰

王或謂之大王每當祀期附近郵莊扮演雜劇千百爲羣相引而至名曰上會自二月以至六月方止其祈雨酬神亦如之補諸廟神往往有女像東

關蒼巖廟西關泰山廟尤盛凡鑿錢焚祝皆以婦女主辦自三月初旬至四月初旬遠近至者不絕

又于二十四二十六日如各郵上會之例而人衆

且十倍萬衆聚觀男女錯雜頗為非宜補人李可贊明州

物力議曰物力有盛衰天地之氣之盛衰也聖人

立極以補救之當其盛必人知搏節際其衰必人

知勤苦如培生意于寒沍之中母或戕伐以迓天

和斯善受天地之氣遲而積之以至有餘人事也

實天道之不可易也以余曾所睹記參諸目前天

與人若相反而不相為用人蓋專任其咎矣余生

且七十六七歲時記諸物易錢較貴而斗米四

十文為率雜糧二十七七八文且盈抱時亦災稷旋得豐

一二文必盈把五七文且盈抱時亦災稷旋得豐

亨天之氣若暫歇以大孽注不謂無意歷三十年

中開稍低昂不太駭而牛羊肥碩畜產繁盛前後

未改也民生其閒不用巧而用樸不用侈而用約

不淫蕩以傷人心不暴殄以殘物命賢愚各適陵

號不生余不肖蚩蚩安享蓋四十餘年云迨流寇

四訶世始變物始艱貴賤微逐無可淡怪乃若旱

滂千里頻復不休地幾不毛苗多不實百物艱難

至極故其騰湧或三四倍六七倍八九倍十倍不  
止愚民因循其閒不能遽減而省受其不足之數  
逆而上之駭若據其所有餘用亦五倍十倍不肯  
止呼異矣昔日中人之家嫁娶用青梭作上衣今  
易綾羅增金珠可異也昔日官門富室文繡之衣  
不數襲貴重之幣不輕剪而燕居必澣濯著體必  
布梭今通體綾錦艷新奪目可異也昔日物易致  
席易辦聊舉一案百五十文事而猶會不得數匪  
出無故今侈意豐腴羅列盡致一下箸不數干文  
不舉轉相慕倣競為矜誇可異也至若內人往來  
稠疊倍至一有會必精潔飛觴勸酬歌呼盡致可  
異也又若妄意修福一愚婦導之庸人百輩竭蹶  
從之立祠宇修齋供在彼在此日異月新迄不能  
止可異也天不雨粟地不湧金嗷嗷困窮何必在  
無藝之誅求供億之繁難無極哉則嘗取而譬之  
天地吾大父母也今言一家人父母勤瘁子孫服

食不言勞或子若孫淫侈自放罔知檢束則父母  
怒譴怒既加淫放猶故父母卽聖善筋力不繼而  
不得贍可若何天地之大無以異此嗚呼備極多  
凶風雨之好莫從亦旣警告我下民矣而山林若  
濯河流頻溢有意耶無意耶或其厭棄不加憫惻  
未可知抑或耗竭多端氣不能充弱不能收攝皆  
有之而庸衆人不一知懼可乎懼則思思則憂淡  
慮切將有變計焉惟在上者審時察理遏其所必  
趨予以所共止則運會在我  
疑天休回天意其有賴乎

論曰明李可贊物力議言習俗奢靡與今同竊怪  
相距百餘年而其俗終不少變嘗推求其故蓋有  
生不能養其親不從其教令死薄具棺殮而乃出  
重貨以圖吉壤事浮屠以免罪愆謂之孝者矣蓋

有兄弟爭財宗族乖忤而妻黨媼私餽問不絕淫  
朋契合慇懃相與以爲義者矣俗喜詩書而不擇  
師友任其出入游蕩蓋有鬻田以償倍稱之息與  
衣以酬酒食之費謂爲慈者矣且也富者貧之依  
旣無利益于人人亦相與忤之有一則以爲百也  
有千則以爲萬也或恐喝以威或誘致以慾不幸  
墮其術中而蕩產失業者有之其或知其害之至  
此也屈力以順適其意一朝失歡而以恩爲怨者  
有之至于士爲四民之首則有以武斷爲能以刀

筆爲利變亂黑白罔知顧忌嘗見數百家之鄉有一二人焉其風俗必漓其民情必詐其訟獄必多然以彼所爲旣常爲人害而身罹法罔者亦有之故其富者旣多矯飾于非分則財固有所不吝矣而其悖者亦知得之于不義則用更有所不惜矣而中人之家見富者之如此也而勉強其不足以追之見悖者之如彼也何爲自苦而一旦使若得之是故孝弟之道日薄忠信之心日衰而物力日以絀固然其無足異也昔周官以鄉三物教萬民而糾之以九刑蓋以使人皆務本而後作止有度取予有節雖有不肖之民無由動于邪惡古之所謂移風易俗者此爾不此之務而徒咎末俗之侈靡政使一世之人皆豐于財而涼于德復奚益之有乎

樂平縣

其俗淳厚而勤儉力田而少文人業耕耘鮮事織紉男子不遠遊婦女不交易士夫不衣文繡不乘輿馬蓋古陶唐氏之遺風乎

縣舊志

秉性躁勁賦氣

果決祝志平定一屬樂平最瘠苦而風俗亦較樸素

鄉大夫及諸生猶多自好未嘗以事干縣庭其閭

閭勤苦務本習尚節儉日用飲食多饜糝粥雖糟

糠不棄衣惟布褐卽婦女之服紈綺亦不概見此

其俗習固無奢侈之虞以故生其地者厚重寡慾

其人往往多壽雖秉質使然要亦風氣之淳慤所

致至于游戲飲博之徒爲患閭里溷濁市廛者間

亦有之倘轉相慕倣其漸不可不預防也縣志

孟縣

孟俗素近古士尚禮儀農務耕作清簡質樸民多

穴居噉黍稷遠鄉之民或至老不入城終身不食

肉婦女勤苦家貧不厭卽歲凶荒亦不忍鬻妻子

士習知業文較之隣邑爲優婚喪祭享大都準禮

無大異獨男女嫁娶太早或不及十四五歲此其

異也男婦服制不常率倣倣省城然儉素之風終

不盡泯富家燕飲或事豐腆山邨猶尚儉樸有汙

樽杯飲之風租田耕種多提收小戶亦有土人考

每人地或五六十畝口食二三石至秋成熟隨年



豐儉客一主二名曰佃客佃人缺食取主人一石  
還一石五斗租之者每畝或取三五斗稅糧則皆  
主人納也縣志

### 壽陽縣

勤儉樸實勁悍少文大率居民務本者衆故耕農  
之外別無生理近代以來兼資紡織萬歷閒知縣  
藍尚質始教之但戶多佞佛人易輕生舊志壽陽之  
民事耕織者十之五而賣易于燕南塞北亦居半  
大致戶有蓋藏偶逢災歉則隣境乞君皇而已民安

堪勤儉之效可睹矣

國家文教覃敷被化尤近誠駸駸日上之勢惟佞佛  
輕生積習難返而身列鬻序者無不心計錢刀錙  
銖是博約禁而勸教之是在司牧者加之意耳縣志

### 附歲時

立春先一日迎芒神老稚聚飲至期鞭土牛觀者  
取土塗竈農商百藝咸持器以走春孟志立春日貼  
宜春字食春餅生菜取迎新之意孟志元旦不炊除  
夕預治食曰隔年飯是日雞鳴起肅衣冠焚香祀

天地祖宗燔柴于庭以當爆竹州志樂平志同先期設牲

醴于中庭夜半焚草以驗四方豐歉跌蠶椽三聲

以示整治絲蠶之意燃香燭拜家神祖先賀尊長

親朋孟志五日黎明擔水入甕謂之填窮壽陽志剪紙

作五窮婦送之警以火炮謂之送窮州志樂平志壽陽志畧同

上元前後三日祀三官燈火輝煌鼓樂喧闐里人

扮演雜劇相戲坊肆里巷士庶之家于門前圍石

炭焚之名曰塔火一曰樵槌火童子以硝磺冶成花燈

烟火燒放謂之開元宵士民遊觀街陌壽陽志云

不謂之走百病各志畧同以黍米麩為節食孟志二十五

日畫灰為梯圍形中實五穀壓以石曰填倉孟志是

月也女輟鍼工或請仙童跳七娘為戲孟志二月二

日前夕以石灰圍垣屋以為禁龍卵各志畧同孟志謂之引龍

又用灰作窖中填五穀覆以石晨起開窖取米粟

以兆豐年州志樂平志壽陽志並同三月一日起鄉賽至月盡

止祈穀食也孟志三月上巳作蟠桃會州志樂平志同寒食

日插柳祭奠添新土掛紙錢曰標墓婦女作鞦韆

戲剪繒成花片串紅花子為飾州志樂平志同孟志寒食日士女標

楮插柳鞦韆鞦韆四月四日八日多遊藏山水神二祠  
戲在清明日

焚香祈嗣孟志五月一日門插桃枝飲雄黃酒州志

同志五日書門符貼艾虎插艾于門簪于鬢孟志浴百

食肉黍飲菖蒲酒小兒戲綵絲百索長命縷孟志

百歲索婦女裂繒為人物花鳥狀佩之以辟不祥州志

樂平志孟志男女許聘互相餽送孟志六月六日瀦水

造麴上伏一日汲水釀酒孟志伏日曬書及衣州志

同志七月七日婦女結綵線穿七孔鍼庭中設瓜果

乞巧幼女以麴製禽鳥形墜果為戲名曰巧食州志

樂平志孟志中元日祀先塋陳瓜果蒸麴為羊薦之

州志樂祭墳墓家神用紙帛饅首祭田野名曰掛

地頭錢以麥麴作羊像蒸熟送女家孟志剪綵紙成

縷掛田禾上以為避雹災壽陽志八月仲秋日以瓜

餅相餉羅列玩月竟夜笙歌讌飲州志樂平志九

月九日炊花糕孟志云婿孟志云醞菊酒孟志云佩菜萸

登高以為避火災各志十月一日祭塋如寒食以

色紙剪作冥衣焚墓前日送寒衣州志樂平志同

起鄉賽報神賜也孟志十一月至日祭家神先禋拜

尊長如元旦志十二月一日飲蠶以井水灑蠶子

孟志凡日以雜色米豆作臘儿粥食之州志樂平志

閒有好善富室施粥通衢州志鑿冰祀神竝以冰置

隙地糞土上以為禳來年旱災壽陽志二十三日設

饴湯酒果以祀竈神曰送竈州志樂平志除夕日

易門神桃符設庭燎焚朮香家人設酒守歲州志樂平志

志是日嫁娶最多謂之戀歲州志樂平志

附禮儀

冠禮不行已久今惟州縣科歲試尚存已冠未冠

之名亦罕有知其義者

婚姻為人倫之始儀禮有納采問名納吉納徵請

期親迎六禮朱子家禮畧去問名納吉則止四禮

平定更畧沿舊俗而已禮男子年十六至三十女

子年十四至二十乃議昏今男女五六歲即議昏

甚有襁褓為昏者媒氏往來通言以女家庚帖為

憑禮納采主人具書女氏主人復書今用四六通

套語富者有紬緞綾錦納于女家名曰遞啟又蒸

麩餅盈二尺餘名曰花糕以給媒氏禮納幣具書

復書如納采今用金銀釧釵首髻衣服等類以多爲貴有羊酒又爲蒸點如桃形大尺餘飾以綵色名曰紅嘴饅首納女子之外家及昏期前數日女家將所納諸物悉還男家仍自備釧釵衣服及裝奩器皿亦以多爲貴名曰陪房禮親迎用昏時乘馬出不用樂今皆以白晝不親迎惟富家始行之乘肩輿婿至門以一羊先名曰撞門羊親黨皆遣人以二燭前導名曰助燈至鼓樂雖貧者亦用之禮女至家婿婦交拜今于院中設几安神祇男四

拜女立不拜名曰拜天地而不交拜禮明日婦見舅姑三日廟見今明日婿婦相偕廟見並偕拜舅姑及諸尊長是日女家用餅果具饌遣女客一人至男家名曰送粥禮明日婿往見婦之父母有幣今用酒肉米麪有陪婿一人至女家名曰謝婿女家于旬日備饌食婦黨諸親女客畢至名曰送飯皆婿婦相偕答拜至于女家爭財錢之多寡男家爭裝奩之厚薄則尤相習成風以至傾家者往往有之

孔子言喪與其易也寧戚易者節文習熟之謂如儀禮及禮記喪大記所稱是已朱子以古禮繁重酌其可行者爲家禮而遵用者鮮今以平定言之禮疾病廢牀寢于地又遷居正寢而復今病不易寢死則不復禮小斂沐浴襲衣數稱大斂十之覆以衾今富者衣不過數件而無衾遺衣又不謹藏或相與分析甚且鬻之他人禮束帛依神謂之魂帛立銘旌皆在小斂前今富者始有而用之于葬時禮始死設奠奠于尸東小斂奠于靈座前大斂

後有朝夕哭奠食時上食今皆廢惟七七因或將葬時開三舉行其儀畧如時祭禮名曰家祭饌具亦異禮大斂之明日親戚執友有弔有奠有賻奠用香茶燭酒果賻用錢帛奠訖乃弔今奠而不弔富者用猪首雞魚魚以麪代謂之三牲貧者用麪餅二十枚謂之蒸爐食四拜畢主人答以白布帽客戴而出其道里遠者則留酒食以豐潔爲敬門設鼓吹以噉噪喧闐爲榮如此者或三日或五日有至十日者葬時亦然賻用銀錢媼親兼置饌物

謂之上祭禮開塋域祀后土及墓下棺祠后土擇  
遠親或賓客一人今惟及墓一祠其人必曾仕宦  
或科第用武者禮題木主用善書者盥手書陷中  
粉面名銜姓諱神主今皆預書訖空主字上點題  
主者用朱筆點之亦必曾仕宦或科第用文者至  
于有尸牀而無靈牀有小斂而無大斂有發引而  
無朝祖虞祭誌石或易爲木明器則有木偶人馬  
樓閣幡幢引路菩薩之類其禮既多不備或亦或  
不足焉而其爲費則數十倍于古甚且誦經以懺

罪演戲以娛尸飾觀壇美則人競爲孝不則爲  
人鄙嗤而已亦以爲愧用是有三五年不葬者甚  
有遲至二三十年者雖士大夫家有不免焉

家禮有四時祭又冬至祭始祖立春祭先祖秋祭  
禴皆于祠堂又有忌日有墓祭平定俗最喜修屋  
而有祠堂者不過三數家雖士大夫亦皆祭于寢  
室故禮皆廢失惟元旦供菜果四拜酌地以祭其  
他時節供鮮物炷香燃燭而已朔望亦如之忌日  
則具熟食如生人之禮而不變服墓祭于清明日

七月十五日十月初一日名曰鬼節供餅果焚紙  
錢婦女同往名曰土墳大約其俗于喪禮則奢靡  
而不中儀節于祭禮則簡褻而鮮有敬哀積習相  
沿固不可變也

禳祥

國以民爲本民以食爲天如水旱蝗螟風雹雷火  
霜雪不時考其所發皆關乎民命而臨民者之所  
爲修政修禳亦卽在斯矣故備載之而祥異可以  
類見至于

國家軫恤之典與夫

恩詔蠲免皆以爲民也謹書以志幸

周唐叔得禾異畝同穎獻諸天子王命唐叔歸周  
公子東作歸禾周公旣得命禾旅天子之命作嘉

禾書序頃王六年秋七月有星孛于北斗傳以爲趙

穿之應漢五敬王二十二年冬十一月丙寅朔日

有食之董仲舒劉向以爲晉大夫分晉之應漢五

秦始皇元年封嫪毐爲長信侯以太原郡爲毐國

宮室苑囿自恣政事斷焉故天冬雷漢五四年大



雪樂平

志

漢景帝後二年秋大旱冬十月日月皆赤十二月

雷月色如紫

樂平志

東晉咸和七年

卽石勒建平三年

雹起西河介山大如雞

子平地三尺洿下丈餘行人禽獸死者萬數歷太

原樂平武鄉趙郡廣平鉅鹿千餘里樹木摧折禾

稼蕩然

樂平志

隋開皇二十年春無雲而雷夏四月天有聲

州大志

業八年旱百姓流亡

樂平志

唐貞觀四年秋蝗總章元年夏四月丙辰有彗星

見于昴畢之間垂拱三年民饑乾元三年四月上

已有彗星色白長四尺東方疾行歷畢昴觜觿參

至右執法西凡五旬餘

樂平志

開元二十二年八月

蚩蚘害稼有羣雀來食之一日而盡

州志

宋淳化三年七月蝗蛾抱華自死

州志樂平志同

大中祥

符九年州民范訓家牛生二犢

州志

元祐五年禾異

畝同穗六年禾合穗

州志樂平志同

金皇統六年重門山五色雲見

孟志

大定元年春正

月風雷大雨雪民大饑州志樂平志同十七年七月大雨

滹沱溢孟志承安元年六月乙丑樂平縣民利通家

蠶自成縣詔賜絹十疋樂平志

元元貞元年六月大雨雹五行志大德九年五月癸

亥以地震故改太原路為冀寧元史皇慶二年七月

雨雹州志至治三年七月冀寧屬縣隕霜元史致和元

年三月大饑張羅米三萬石州志樂平志同五月冀寧路屬縣

雨雹五行志至順二年四月冀寧路屬縣皆旱不能

種告饑六月雨雹傷禾元史至正二年夏四月辛丑

地震聲鳴如雷裂地尺餘民居皆傾又大旱自春

至秋人有相食者樂平志十一年夏四月壬午冀寧

路屬縣多地震半月乃止元史五行志云聲如雷地房屋壓死者甚眾

十九年夏四月蝗食禾稼草木俱盡所至蔽日礙

人馬不能行填坑塹皆盈饑民捕蝗以為食乾而

積之又罄則人相食五行志二十四年九月癸酉西

北方至夜天紅半壁有頃從東而散樂平志

明洪武七年六月蝗樂平志永樂十二年秋八月孟

民李復初地產嘉禾每莖二三穗或四穗十三年

饑孟志成化二年歲大凶人相食孟志六年大旱州志八

年秋七月雨雹大饑人相食壽陽志九年春三月地

震秋七月再震有聲若雷孟志十年孟縣蘭若寺黑

風起晝晦所過樹盡拔孟志十八年夏五月不雨至

秋七月苗盡槁壽陽志二十年大旱樂平志宏治十

四年雨雹害稼州志正德三年雨雹州志五年黑管居

民鳴鉦鼓燃燈達旦彌月乃止孟志七年六月黑管

乘暗傷人形如犬民間夜燃火擊金鼓以禦雨月

化白氣蔽日西去孟志壽陽九年雨雹九年雨雹

州志九年冬十月州志四日寅初地震有聲如雷

隨震隨止頃復震至卯又震壽陽志十二年蝗十三

年雨雹十五年雨雹大者如杵州志十六年孟縣曹

郵龍見風雨晝晦拔木毀屋黑氣上蔽太虛孟志嘉

靖元年孟縣南上社夜聞百鳥雜喧厥明魚鼈飛

鳥有失其首者孟志二年雨雹三年雨雹大如磚石

傷禾稼四年雨雹州志五年大風拔木六年三月二

十六日雨土越二日復雨土州志樂平四月雨雹

州志七年冬十二月十七日有白虹東指天河中西

抵天際通宵不滅九十餘日始散孟志壽陽 元年

夏六月蝗螟歲饑壽陽志 元年三月二十三日日三

珥七月飛蝗翳日九月大疫孟志 十二年十月星隕

如雨光若火天盡赤孟志壽陽志 十四年大蝗禾稼

殆盡壽陽志 十五年十二月初二日地震州志樂平志 同十

七年二月二十五日地震如雷十一年孟民程保

生子三日能言孟志 二十年夏六月淫雨傷稼民多

墊溺秋八月蒙古兵至有白鳥無數隨之壽陽志 二

十九年孟縣雄雞化為牝三十年正月至五月不

而九月十月十一月地震孟志 三十二年春三月

壽陽縣城西北隅草場火十餘日不息壽陽志 三十

三年四月地震孟志 三十四年十二月初二日地震

州志樂平志 同三十九年大旱蝗四十年五月方雨民饑

人相食州及各縣志 同四十年大旱斗米錢二百餘人

相食殍尸枕藉壽陽志 萬歷二年春二月壽陽縣西

南五十里星隕如碾觸石盡碎其色黑其光熒熒

六年秋七月彗星見于西南長數丈月餘方息壽陽

志 八年疫州志樂平志 同夏閏四月二日壽陽縣生員李

化家樹杪無故火發壽陽志九年疫十四年大旱州志

樂平志同二十九年大饑人相食壽陽志三十四年十一

月初六日雨雹孟志三十七年秋七月大旱明年夏

五月方雨民死徙者殆半州及各縣志畧同三十八年

州志樂平志同四十三年地震有聲孟志四十六年金星書

見州志樂平志同夏四月二十六日地震秋九月晦日再

震其聲如雷房屋動撼壽陽志天啟四年地震孟志六

年夏六月丙子地震有聲如雷房屋動撼一連三

次閏六月四日復震秋七月二十日又震壽陽志七

年夏地震或曰一二次或三五次經兩月餘

州志樂平志同崇正六年旱州志七年饑州志樂平志同十一年旱

州志十二年大饑人相食澤發水涸州志六月旱蝗樂平志

志十三年旱蝗州志十二月饑人相食樂平志十六年

二月初五日晴空雷鳴數刻州志十七年春正月十

四日夜壽陽縣城南門內武安王廟災壽陽志

國朝順治元年冬

六兵取太原日有五色祥雲孟志五年夏秋大有州志樂平志同

秋蝗六年野蚘生食禾孟志七年產麒麟州志滹沱水

孟志 九年樂平縣鳳凰山神泉忽湧名靈瑞泉

志 九年大水 州志樂平志 十三年蝗不為害 孟志

四年夏六月大雨雹 壽陽志 十六年三月州西蛾略

鄧張氏牛產異獸 形若牛身有麟甲人以

康熙元年麥秀兩岐 孟志 四年旱六月方雷大饑免

本年稅糧 州志孟志壽陽志 七月嘉水溢居民被患 州志

八月初六日嚴霜 壽陽志 十一月彗星見 孟志 五年四

月初八日雪深二尺 州志樂平志 六年白狼入州城傷

人 州志 十六年雨雹 州志壽陽志 地震 州志樂平志 二十二年

十月地震 孟志 二十五年四月蝗 知州張慎祭固關

二十九年大旱蠲免地丁錢糧 州志樂平志 六月嘉水

漲壞民居 州志 三十四年太原等處地震孟微震發

帝賑恤七月隕霜殺禾 孟志 三十五年二月十日雨土

六月二十六日雨至八月十二日方止禾稼俱朽

州志樂平志 同 秋早霜殺禾 孟志 三十六年春饑斗米錢五

百奉

旨賑恤秋小稔 孟志 七月桃李花開 州志樂平志 隕霜殺稼 樂平志

志 三十七年春大饑人相食蠲免通省二年地丁

錢糧撥米穀賑濟州志樂平志同秋大稔孟志四十年大旱

風雹如碗大積尺餘禾俱無州志蝗飛至松子嶺俱

抱樹死隕霜傷禾樂平志四十五年大旱風樂平志四

十七年夏秋大有樂平志五十年旱樂平志蠲免

地丁錢糧竝節年舊欠有差樂平志六十年孟

縣榆北郵人劉世臣年一百有五歲孟志六十一年

四月冰雹州志歷三月不雨大旱開倉賑濟州志樂平志同

七月朔甘露降州志四月壽陽

雍正元年春饑遣官賑恤州志及樂平志四月壽陽

縣民馬步喜妻龐氏一產三男壽陽志三年日月合

璧五星聯珠孟志四年大有年樂平志五年大有年

樂平志大疫州志六年大熟樂平志七年卿雲見捧

日三環孟志歲大稔是年以山西連歲豐登

特詔免通省庚戌年地丁銀四十萬以示獎勸冬十一

月又以民人踴躍急公辦駱駝鞍屨不勞而集

恩詔蠲免通省辛亥年地丁銀二十萬凡年秋大熟九

年大有麥樂平志樂平縣民趙正年百歲樂平志

乾隆六年四月二十五日大風州志及樂平志凡年春

卿雲見東北歲大熟十年春卿雲見北方孟志秋旱

州志樂平州龍莊等三十三郵成災州志九月樂平縣

東棧棧會等郵隕霜傷稼借給口糧籽種樂平志十

三年六月樂平縣東黃龍等三郵雨雹傷稼借給

口糧樂平志以九年

恩詔普免天下錢糧山西于是年輪免十四年六月樂

平縣東黃巖等郵雨雹傷稼賑貸有差樂平志丁六

年十月孟縣干河郵民田世隆妻石氏一產三男

孟志十七年十九年比歲大熟孟志十九年歲大有樂平志

孟志二十二年七月大風傷稼孟志樂平二十二年

六月十七日樂平縣東南趙壁等郵雨雹傷稼借

給口糧樂平志八月大風害禾州志二十四年春夏大

早秋冬大饑州及樂平志畧同幸菽熟民賴以活孟志大蝗

不害秋稼壽陽志二十五年正月朔日月合璧五星

聯珠孟志春大饑疫大作十月乃止死屍相枕藉州志

樂平志同夏秋皆大有民始安樂平志二十六年麥熟孟志

二十七年大熟樂平志夏六月大水州志有大鳥集孟志

縣署古槐是歲雨澇孟志二十九年三十年比歲大



熟孟志三十年六月十四日樂平縣西梁莊等郵雨

雹傷禾樂平志三十五年

恩詔普免天下錢糧山西于三十七年輪免三十九年

樂平縣東黃龍等郵雨雹傷稼四十年大熟四十

一年秋旱並樂平志四十三年七月隕霜孟志以四十二

年

恩詔普免天下錢糧山西于四十五年輪免四十六年

秋麥秀兩岐孟縣岸生高振業五世同堂五十年

蒸沐

皇恩給匾

旌表

恩賜銀緞孟志

三  
六  
八

